



文懷沙 ◆ 主編

隋唐文明

第三十九卷

古吳軒出版社

文懷沙 ◆ 主編

隋唐文叢

第三十九卷

上海大學「大學叢書」

古吳軒出版社

圖書在版編目 (CIP) 數據

隋唐文明／文懷沙主編．《隋唐文明》編纂委員會編

蘇州：古吳軒出版社，2004.12

ISBN 7-80574-857-8

I. 隋… II. ①文… ②隋… III. 古籍—匯編—中

國—隋唐時代 N. Z121.7

中國版本圖書館CIP數據核字 (2004) 第132009號

責任編輯：尹劍峰 陳雪春

馮立高 穎

裝幀設計：周晨

責任印刷：何潔 蔣家宏

書名：隋唐文明

主編：文懷沙

出版發行：古吳軒出版社

地址：蘇州市十梓街458號

郵編：215006

電話：0512-66232286

傳真：0512-66220750

印刷：江蘇淮陰新華印刷廠

開本：889×1194 1/16

總印張：4027.5

印數：1000冊

版次：2005年3月第1版

印次：2005年3月第1次印刷

號：ISBN 7-80574-857-8/K·001

定價：38000.00圓 (全100卷)

隋唐文明

第三十九卷目錄

隋唐釋道書薈一

- | | | |
|--------------|------------|-----|
| 隋天臺智者大師別傳一卷 | [隋] 釋灌 頂撰 | 三 |
| 大唐慈恩寺三藏法師傳十卷 | [唐] 釋彥 棕撰 | 二一 |
| 大唐南海寄歸內法傳四卷 | [唐] 釋義 淨撰 | 一九五 |
| 續高僧傳三十一卷 | [唐] 釋道 宣撰 | 二五九 |
| 宋高僧傳三十卷 | [宋] 釋贊 寧等撰 | 五三七 |

隋唐釋道書薈

一



〔隋〕釋灌 頂撰

隋天臺智者
大師別傳

景印明刻
北藏本

隋天台智者大師別傳

門人 謹 頂 起二

大師諱智顗字德安俗姓陳氏潁川人也高宗茂績盛傳於諸史矣暨晉世遷都家隨南出寓居江漢因止荊州之華容縣父起祖學通經傳談吐絕倫而武策運籌偏多勇決梁湘東王蕭繹之荊州列爲賓客奉敕入朝領軍朱异見而數曰若非經國之才孰爲英王之所重乎孝元即位拜使持節散騎常侍益陽縣開國侯母徐氏溫良恭儉偏勤齋戒夢香煙五彩輕浮若霧縈迴在懷欲拂去之聞人語曰宿世因緣寄託王道福德自至何以去之又夢吞白鼠因覺體重至於載誕夜現神光揀宇煥然兼輝隣室隣里憶先靈瑞呼爲王道兼用後相復名光道故小立二字眼有重瞳父母藏護不欲人知而人自知之矣至年七歲喜往伽藍諸僧口授普門品初啓一編即得而父母遏絕不聽數往每存理所誦而惆悵未聞奄忽自然通餘文句後以經驗無所遺失鄉閭嗟異溫故知新其若此乎

年十五值孝元之敗家國殄喪親屬流徙歎榮會之難久痛凋離之易及於長沙像前發弘大願誓作沙門荷負正法爲己重任既精誠感通夢彼瑞像飛臨宅庭授金色手從窻隙入三編摩頂由是深厭家獄思滅苦本但二親恩愛不時聽許雖惟將順而寢哺不安乃刻檀寫像披藏尋經曉夜禮誦念念相續當拜佛時舉身投地悅焉如夢見極高山臨於大海澄淨翕鬱更相顯映山頂有僧招手喚上須臾申臂至于山巔接引令登入一伽藍見所造像在彼殿內夢裏悲泣而陳所願學得三世佛法對千部論師說之無礙不唐世間四事思惠申臂僧舉手指像而復語云汝當居此汝當終此既從窻已方見己身對佛而伏夢中之淚委地成流悲喜交懷精勤逾至後遭二親殄喪丁艱荼毒逮于服訖從兄求去兄曰天已喪我親汝重割我心既孤更離安可忍乎跪而對曰昔梁荆百萬一朝僕妾于時久役江湖之心不能復處碾磊之內欲報恩時德當謀道爲先唐衆何益銘肌

劉骨意不可移時王琳據湘從琳求去琳以陳侯故舊又嘉此志節資給法具深助隨臺年十有八投湘州果願寺沙門法緒而出家焉緒授以十戒導以律儀仍攝以北度詣慧曠律師兼通方等故比面事焉後詣大賢山誦法華經無量義經普賢觀經歷涉二旬三部究竟進修方等懺心淨行動勝相現見道場廣博妙飾莊嚴而諸經像縱橫紛雜身在高座足躡繩牀口誦法華手正經像是後心神融淨爽利常日逮受具足律藏精進先世師動而常樂禪悅快快江東無足可問時有慧思禪師武津人也名高嵩嶺行深伊洛十年常誦七載方等九旬常坐一時圓證希有能有事彰別傳昔在周室預知佛法當禍故背北游南意期衡嶽以希棲遁權止光州大蘇山先師遙食風德如飢渴矣其地乃是陳齊邊境兵刃所衝而能輕於生重於法忍夕死貴朝聞涉險而去初獲頂拜思曰昔日靈山同聽法華宿緣所追今復來矣即示普賢道場為說四安樂行於是昏曉苦到如教

研心于時但勇於求法而貪於資供切栢為香栢盡則繼之以果卷簾進月月沒則燎之以松息不虛難言不妄出經二七日誦至藥王品諸佛同讚是真精進是名真法供養到此一句身心豁然寂而入定持因靜發照了法華若高輝之臨幽谷達諸法相似長風之游太虛將證白師師更開演大張教網法目圓備落景諮詳連環達旦自心所悟及從師受四夜進功逾百年問一知十何能為喻觀慧無礙禪門不壅宿習開發煥若華敷矣思師歎曰非爾弗證非我莫識所入定者法華三昧前方便也所發持者初旋陀羅尼也縱令文字之師千羣萬眾尋汝之辯不可窮矣於說法人中最為第一時有慧邈禪師行矯常倫辯述時聽自謂門人曰我所數弘真師子吼他之所說是野干鳴心眼未開誰不惑者先師正引經文傍宗擊節研覈考問邈則失徵揚簸慧風則棘批可識洵汰定水故砂礫易明於是迷徒知反問津識濟仍於是夜夢見三層樓閣邈立其下已坐其上又有

一人攘臂怒目曰何忍邈耶何疑法耶宜當問我先師設難數闢賓主往復怒人辭窮理喪結舌亡言因誡之曰除諸法實相餘皆魔事誠已不復見邈及與怒人夕有聞者謂爲調寐旦詣思所具陳是相師曰汝觀般若不退品凡幾種行類相貌九十六道經云人若說法神助怖之汝既晝折慢幢夜驅惡黨邪不干正法應爾也思師造金字大品經竟自開玄義令今代講是以智方日月辯類懸河卷舒稱會有理存焉唯有三三昧及三觀智用以諮審餘悉自裁思師手持如意臨席讚曰可謂法付法臣法王無事者也慧曠律師亦來會坐思謂曰老僧常聽賢子法耳答云禪師所生非曠之子又曰思亦無功法華力耳耳代講竟思師誡曰吾久羨南衡恨法無所委汝粗得其門甚適我願吾解不謝汝緣當相揖今以付囑汝汝可秉法逗緣傳燈化物莫作最後斷捏人也既奉嚴訓不得扈從衡嶽素聞金陵仁義淵藪試往觀之若法弘其地則不孤付囑仍共法喜等二十七人同至

陳都然上德不德又知音者寡有一老僧厥名法濟即何凱之從叔也自矜禪學倚卧間言有人入定聞攝山地動知僧詮練無常此何禪也答曰邊定不深邪衆闖入若取若說定壞無疑濟驚起謝曰老僧身害得此定向靈耀則公說之則所不解說已永失今聞所未聞非直善知法相亦乃懸見他心濟以告凱凱告朝野由是聲馳道俗請益成蹊大忍法師梁陳擅德養道開善不交當世時有義集來會蔣山雖有折角重席忍無所容與先師觀慧縱橫聽者傾耳衆咸彈指合掌皆言聞所未聞忍歎曰此非文疏所出乃是觀機縱辯般若非鈍非利利鈍由緣豐富適時是其利相池深華大鈍可意得慶餘暉之有幸使老疾而忘疲先達稱詠故頌聲溫道于時長干慧辯延入定熙天宮僧晃請居佛窟皆欲捨講習禪緣差永恨面而誓曰今身障隔不遂稟承後世弘通必希汲引僕射徐陵德優名重夢其先門曰禪師是吾宿世宗範汝宜一心事之既奉異訓資敬盡節參不失時



序拜不避泥水若蒙書疏則洗手燒香冠帶
三禮屏氣開封對文伏讀句句稱諾若非微
妙至德豈使當世文雄屈意如此耶儀同沈
君理請住充官開法華經題勅一日停朝事
羣公畢集金紫光祿王固侍中孔煥尚書毛
喜僕射周弘正等朱輪動於路玉珮喧於席
俱服成香同喰法味小莊嚴寺慧榮負才輕
誕其日揚眉舞扇扇便墮地雙構巨難難不
稱捷合掌數曰非禪不智今之法座乎法威
法師爾日並坐撫榮背而嘲曰從來義龍今
成伏鹿扇既墮地以何遮羞榮答云輕敵失
勢猶未可欺也興皇法朗盛弘龍樹更遣高
足構難累句磨鏡轉明措金足色虛往既貴
而忘反也好勝者懷愧不議而革新斯之謂
數建初寶瓊相逢讓路曰少欲學禪不值名
匠長雖有信阻以講說方秋遇賢年又老矣
庶因渴仰累世提携白馬警韶定林法威禪
衆智令奉誠法安等皆金陵上匠德居僧首
捨指南之位遷北面之禮其四方衿袖萬里
來者不惜無賞之軀以希一句之益伏膺至

教食和妙道唯禪唯慧忘寢忘喰先師善於
將衆調御得所停充官八載講大智度論說
次第禪門蒙語默之益者畧難稱紀雖動靜
合道而能露疵藏實恩被一切莫知我誰昔
浮頭玄高雙弘定慧厥後沈喪單輪雙翼而
已逮南嶽挺振至斯爲盛者也陳始興王出
鎮洞庭公卿餞送皆迴車充官傾捨山積虔
拜殷重因而數曰吾昨夜夢逢強盜今乃表
諸較賊毛繩截骨則憶曳尾泥問仍謝遣門
人曰吾聞闇射則應於絃無明是關也脣舌
是弓也心慮如弦音聲如箭長夜虛發無所
覺知若益一人心弦則應又法門如鏡方圓
如像若緣牽心轆轤無盡若緣杜心自然蹇
澀昔南嶽輪下及始濟江東法鏡屢明心絃
數應初充官四十人共坐二十人得法次年
百餘人共坐二十人得法次年二百人共坐
減十人得法其後徒衆轉多得法轉少妨我
自行化道可知羣賢各隨所安吾欲從吾志
將山過近非避喧之處聞天台地記稱有仙
宮白道猷所見者信矣山賦用比蓬萊孫興

公之言得矣若息緣茲嶺喙峯飲澗展平生之願也陳宣帝有勅留連徐僕射清涕請住匪從物議直指東川即陳太建七年秋九月初入天台歷游山水平道林之拱木慶雲光之石龕訪高察之山路漱僧順之雲潭數度石梁屢降南門荏苒淹流未議卜居常宿於石橋見有三人阜幘絳衣有一老僧引之而進曰禪師若欲造寺山下有皇太子寺基捨以仰給因而問曰止如今日草舍尚難當於何時能辦此寺老僧答云今非其時三國成一有大勢力人能起此寺寺若成國則清當呼爲國清寺于時三方鼎峙車書未同雖獲冥期悠悠何日且旋塗出谷見佛隴南峯左右映帶最爲兼美即徘徊留意有定光禪師居山三十載迹晦道明易狎難識有所懸記多皆顯驗其夕乃宿定光之草庵咸聞鐘磬寥亮山谷從微至著起盡成韻問光此聲踈數光舞手長吟曰但聞鳴槌集僧是得住之相憶觀招手相引時不餘人莫解其言仍於光所住之北峯創立伽藍樹植松巢引流遠

砌瞻望寺所全如昔夢無毫差也寺北別峯呼爲華頂登眺不見羣山腔涼異興餘處先師捨衆獨往頭陀忽於後夜大風拔木雷震動山魑魅千羣一形百狀或頭戴龍颺或口出星火形如黑雲聲如霹靂倏忽轉變不可稱計圖畫所寫降魔變等蓋少小耳可畏之相復過於是能安心湛然空寂逼迫之境自然散失又作父母師僧之形乍枕乍抱悲咽流涕但深念實相體達本無憂苦之相尋復消滅強輟二緣所不能動明星出時神僧現曰制敵勝怨乃可爲勇能過斯難無如汝者既安慰已復爲說法說法之辭可以意得不可以文載當於語下隨句明了披雲飲泉水日非喻即便問曰大聖是何法門當云何學云何弘宣答此名一實諦學之以般若宣之以大悲從今已後若自兼人吾皆影響頭陀既竟旋歸佛隴風煙山水外足忘憂妙慧深禪內充愉樂然佛隴艱阻舟車不至年既失稔僧衆隨緣師共懸綽種菑拾橡安貧無感俄而陳宣帝詔云禪師佛法雄傑時匠所

宗訓兼遺俗國之望也宜割始豐縣調以充衆費餉兩戶民用給薪水衆因更聚亦不爲欣有陳郡袁子雄奔林百里又新野庾崇敏民三課兩人登山值講淨名遂齋戒遠辰專心聽法雄見堂前有山瑠璃映徹山陰曲澗琳瑯布底跨以虹橋填以寶飾梵僧數十皆手擎香爐從山而出登橋入堂威儀溢目香煙徹鼻雄以告崇崇稱不見並席天乖其在此矣雄因發心改造講堂此事非遠堂今尚在但天台基壓巨海黎民漁捕爲業爲梁者斷谿爲窟者藩海秋水一漲巨細填梁晝夜二潮嗽啖滿窟體骨成岳蠅蛆若雷非但水陸可悲亦痛舟人濫殞先師爲此而運慈悲自捨身衣并諸勸助贖窟一所永爲放生之池于時計詔臨郡請講金光明經濟物無偏實冥出窟以慈修身見者歡喜以慈修口聞聲發心善誘殷勤導達因果合境漁人改惡從善好生去殺湍潮綿亘三百餘里江窟窟梁合六十三所同時永捨俱成法池一日所濟巨億萬數何止十千而已哉方舟江上講

流水品又散梗糧爲財法二施船出海口望芙蓉山聳峭叢起若紅蓮之始開橫石孤垂似菱華之將落師云昔夢游海畔正似於此沙門慧承郡守錢玄智皆者書嗟詠文繁不載謝後還都別坐餘事因繫廷尉臨當伏法遙想先師願申一救其夜夢羣魚巨億不可稱計皆吐沫濡誦明旦降勅特原謝罪當於午時忽起瑞雲黃紫赤白狀如月暈凝於虛空遙蓋寺頂又黃雀羣飛翔動嘈嘈棲集簷宇半日方去師云江魚化爲黃雀來此謝恩耳師遣門人慧拔金陵表開降陳宣帝勅云嚴禁采捕永爲放生之池陳東宮問徐陵曰天台功德誰爲製碑答云願神筆王者會宣帝崩不復得就勅國子祭酒徐孝克以樹高碑碑今在山覽者墮淚陳文皇太子永陽王出撫甌越累信殷勤仍赴禹穴躬行方等春屬同稟淨戒晝夜講說夜習坐禪先師謂門人智越云吾欲勸王修福權禍可手越對云府僚無舊必稱寒熱師云息世識嫌亦復爲善王後出游墜馬將絕越乃感悔憂愧若傷

先師躬自帥衆作觀音懺法整心專志王覺小醒凭机而坐王見一梵僧擊香爐直進問王曰疾勢何如王汗流無答僧乃遠王一市香氣徘徊右旋即覺搖然痛惱都釋戒慧先染其心靈驗次悅其目不欲生信詎可得乎其願文云仰惟天台闍黎德侔安遠道邁光猷遐邇傾心振錫雲聚紹像法之將墜以救昏蒙顯慧日之重光用拯澆俗加以游浪法門貫通禪苑有爲之結已離無生之忍現前弟子颺颺業風沈淪愛水雖飡法喜弗祛蒙蔽之心徒仰禪悅終懷散動之慮日輪馳騁驚義和之轡不停月鏡迴軒嫦娥之影難駐有離有會歎息美言愛法敬法潺湲無已願生生世世值天台闍黎恒修供養如智積奉智勝如來若藥王觀雷音正覺安養兜率俱胝一衆先師雖復懷實窮岫聲振都邑藏形幽整德慧昭彰陳少主顧問羣臣釋門誰爲名勝徐陵對曰瓦官禪師德邁風霜禪鑑洞海昔遠游京邑羣賢所宗今高步天台法雲東靄永陽王北面親承願陛下詔之還都弘法

使道俗咸荷陳主初遣傳宣左右趙君卿再遣主書朱雷三傳遣詔四遣道人法昇皆帝自手書悉稱疾不當陳主遂仗三使更勅州敦請永陽王諫曰主上虛已朝廷恩敬一言利益則四生有賴若高讓深山則慈悲有隔弟子微弱尚賜迂屈不赴臺音將何自安答曰自省無德出處又幽過則身當豈令枉濫業緣如水隆去竄留志不可滿任之而已仍出金陵路逢兩使初遣應勅左右黃吉寶次遣主書陳建宗延上東堂四事供養禮遇殷勤立禪衆於靈耀開釋論於太極又講仁王般若百座居左五等在右陳主親聽聽法僧正慧脰僧都慧曠長干慧辯皆奉勅敬揚難似冬冰峨峨共結解猶夏日赫赫能消天子欣然百僚盡敬講竟慧脰擎香爐賀席曰國十餘齋身當十講分文析理謂得其門今日出星收見巧知陋由來諍競不止即座肅穆有餘七夜恬靜千枝華耀皆法王之力也陳主於廣德殿謝云非但佛法仰委亦願示諸不建陳世所檢僧尼無貴者萬人朝議策經

不合者休道先師諫曰調達日誦萬言不免地獄繫特誦一行偈獲羅漢果爲論唯道豈聞多誦陳主大悅即停搜探然居靈耀過爲楠臨更求閑靜立衆安禪忽夢一人翼從嚴整稱名冠達請住三橋師云冠達梁武法名三橋豈非先宅遂移居之其年四月陳主幸寺捨身大施又講仁王般若教經纔訖陳主於大衆內起禮三拜俯仰殷勤以彰敬重太子已下並託舟航咸宗戒範以崇津導先師虛己亡受能安寵辱故澹無驚喜皇太子請戒文云淵和南仰惟化導無方隨機濟物衛護國土汲引人天照燭光耀託迹師友比丘入夢符契之像久彰和尚來儀高座之德斯秉是以翹心十地渴仰四依大小二乘內外兩教尊師重道由來尚矣伏希俯提從其所請世世結緣遂其本願日夜增長今二月五日於崇正殿設千僧法會奉誦爲菩薩戒師謹遣主書劉璿奉迎云于時傳香在手而臉下垂淚既字爲善萌反言成晚後大隋在陳方悟前有金陵旣敗策杖荆湘路次盆城忽

夢老僧曰陶侃瑞像敬屈守護於是往憇匡山見惠遠圖像驗鴈門法師之靈也俄而潯陽反叛寺宇焚燒獨有茲山全無侵擾護像之功其在此矣秦孝王聞風延屈先師對使而言雖欲相見終恐緣差既而王人催促迫不得止將欲解纜忽值大風累旬之間妖賊卒起水陸壅隔遂不成行至尋常淮海萬里廓清慕義崇賢歸身如舍遣使招引束鉢赴期師云我與大王深有因緣順水背風不日而至菩薩律儀即從累受先師初陳寡德次讓名僧後舉同學三辭不免仍求四願一雖好學禪行不稱法年既西夕遠守繩牀撫臆論心假名而已吹噓在彼惡聞過實願勿以禪法見欺二生在邊表長逢離亂身閑庠序口拙喧涼方外虛玄久非其分域間搏節一無可取雖欲自慎終恐樸直忤人願不貢其規矩三微欲傳燈以報法恩若身當戒範應重去就去就若重傳燈則闕去就若輕則來嫌諂避嫌安身未若通法願許爲法勿嫌輕重四三十餘年水石之間因以成性今王

塗既一佛法再興，謬承人沉湎，此恩化內竭，
朽力仰酬外護。若丘壑念起，願放其飲啄，以
卒殘生。許此四心，乃赴優旨。大王方希淨戒，
故妙願唯諾。請戒文曰：弟子基承積善，生在
皇家。庭訓早趨，彝教夙漸。福履攸臻，妙機須
悟。恥崎嶇於小徑，希優游於大乘。笑止息於
化城，誓舟航於彼岸。開士萬行，戒善爲先。普
薩十受，專持最上。喻造宮室，必先基址。徒架
虛空，終不能成。孔老釋門，咸資鑄鑄。不有軌
儀，孰將安仰？誠復能仁本爲和尚，文殊冥作
闍梨，而必藉人師顯傳。聖授自近之遠感，而
遂通波崙，罄髓於無竭。善財忘身於法界，經
有明文。非從臆說，深信佛語。幸遵明導，擇師
佛法。龍象成珠，圓淨定水。淵澄因靜，發慧安
無礙。辨先物後已，謙挹成風。名稱遠聞，衆所
知。識弟子所以虔誠遙注，命楫遠延。每畏緣
差，值諸留難。亦既至止，心路豁然。及披雲霧，
即消煩惱。以今開皇十一年十一月二十三
日，於總管金城殿設千僧會，敬屈投菩薩戒。
戒名爲孝，亦名制止。方便智度，歸宗奉極。以

此勝福奉資，至尊皇后作大莊嚴，同如來慈。
普諸佛愛等視。四生猶如一子。師云：大王紆
遵聖禁，名曰總持。王曰：大師傳佛法燈，稱爲
智者。所獲檀觀，各六十種。一時迴施悲敬兩
田，使福德增多，以資家國香火事。訖訖舸衙
峽，大王麾駕貴州，臨江奉送，供給隆重，轉倍
於前。既值便風，朝發夕還。而渚宮道俗延頸
候望，扶老携幼相趨，戒場垂黑，戴白雲屯。講
座聽衆五千餘人，旋鄉答地，荆襄未聞。既慧
日已明，福庭將建於當陽縣王泉山，而立精
舍。蒙勅賜額，號爲一音重改。爲王泉，其地本
來荒險，神獸蛇暴，諺云：三毒之藪，踐者寒心。
創寺其間，決無憂慮。是春夏旱，百姓咸謂神
怒，故智者躬至泉源，滅此邪見。口自呪願，手
又揭暑，隨所指處，重雲黻黻，籠山而來。長虹
煥爛，從泉而起。風雨街溢，歌詠滿路。荊州總
管上柱國宜陽公王積到山，禮拜戰汗不安。
出而言曰：積屢經軍陣，臨危更勇，未嘗怖懼。
頃如今日，其年王使奉迎，荆人遠觀，向方遙
禮。臨岐望絕，既而重履江淮，道俗再馳欣戴。